

經史百家雜鈔

中華民國十七年二月付印
中華民國十八年二月出版

新式標點
白話詳註

經史百家雜鈔

（平裝的
洋裝的）

八册
三册

大洋四元四角
大洋五元六角

XXXXXXXXXXXXXXXXXXXX
X 有 所 權 版 X
X 印 翻 准 不 X
XXXXXXXXXXXXXXXXXXXX

編 纂 者 曾 國 藩
校 刊 者 李 鴻 章
點 註 者 許 嘯 天
發 行 者 羣 學 社
印 刷 者 中 國 印 刷 廠

總發行所

上海

四馬路

羣學社

社

代發行所

外埠

各

大書局

局

新式標點
白話詳註

經史百家雜鈔目錄

典志

- 禹貢（書）
- 大司樂（周禮）
- 大司馬（周禮）
- 職方氏（周禮）
- 大司寇（周禮）
- 士冠禮（儀禮）
- 士相見禮（儀禮）
- 覲儀（儀禮）
- 祭法（禮記）
- 投壺（禮記）
- 天官書（史記）

- 封禪書（史記）
- 平準書（史記）
- 地理志（漢書）
- 兵志（唐書）
- 五代史職方書（歐陽修）
- 越州趙公救苗記（曾鞏）
- 序越州鑑湖圖（曾鞏）

新式標點
白話詳註

經史百家雜鈔

曾國藩編纂

李鴻章校刊
許嘯天點註

典志

(書) 禹貢

禹敷土，隨山刊木，奠高山大川。冀州既載壺口，治梁及岐，既修太原，至於岳陽。覃懷底績，至於衡漳。厥土惟白壤，厥賦惟上上錯。厥田惟中中。恆衛既從，大陸既作，島夷皮服，夾右碣石，入于河。濟河惟兗州。九河既道，雷夏既澤，灑沮會同。桑土既蠶，是降丘宅土。厥土黑墳，厥草惟繇，厥木惟條。厥田惟中下，厥賦貞。作十有三載，乃同。厥貢漆絲，厥篚織文，浮于濟漯，達于河海。岱惟青

州。嶠夷既略，濰淄其道。厥土白墳，海濱廣斥。厥田惟上下，厥賦中上，厥貢鹽絳，海物惟錯。岱畎絲枲，鉛松怪石。萊夷作牧，厥篚檠絲，浮于汶，達于濟。海岱及淮，惟徐州。淮沂其乂，蒙羽其藝。大野既豬，東原底平。厥土赤埴墳，草木漸包。厥田惟上中，厥賦中中，厥貢惟土五色。羽畎夏翟，嶧陽孤桐，泗濱浮磬，淮夷蠙珠暨魚，厥篚玄纁，縞浮于淮，泗達于河，淮海惟揚州。彭蠡既豬，陽鳥攸居。三江既入，震澤底定。篠簜既敷，厥草惟夭，厥木惟喬，厥土惟塗泥，田惟下下，厥賦下上，錯。厥貢惟金三品，璠琨篠簜，齒革羽毛，惟木，島夷卉服。厥篚織貝，厥包橘柚，錫貢沿于江海，達于淮泗。荆及衡陽，惟荊州。江漢朝宗于海，九江孔殷。沱潛既道，雲土夢作乂，厥土惟塗泥，厥田惟下中，厥賦上下。厥貢羽毛齒革，惟金三品。柎榦栝柏，礪砥磬丹，惟箇箝楛，三邦底貢。厥名包匭菁茅，厥篚玄纁璣組。九江納錫大龜，浮于江沱潛漢，逾于洛，至于南河。荆河惟

豫州伊洛瀍澗，既入于河。滎波既豬，導荷澤，被孟豬，厥土惟壤，下土墳壚。厥田惟中上，厥賦錯上中。厥貢漆、枲、絺、紵，厥篚織纊，錫貢磬錯，浮于洛，達于河。華陽黑水，惟梁州。岷嶓既藝，沱潛既道，蔡蒙旅平，和夷底績。厥土青黎，厥田惟下上，厥賦下中三錯。厥貢璆鐵，銀鏤，磬磬，熊羆，狐狸，織皮。西傾因桓是來，浮于潛，逾于沔，入于渭，亂于河。黑水西河，惟雍州。弱水既西，涇屬渭，汭漆沮。既從，澧水攸同。荆岐既旅，終南惇物，至于鳥鼠。原隰底績，至于豬野。三危既宅，三苗不敘，厥土惟黃壤。厥田惟上上，厥賦中下。厥貢惟球琳琅玕，浮于積石，至于龍門。西河會于渭，汭織皮，岷嶓析支，渠搜西戎，卽敘導嶭及岐，至于荆山，逾于河。壺口雷首，至於太岳。底柱析城，至於王屋。太行恆山，至于碣石，入于海。西傾朱圉，鳥鼠至于太華。熊耳外方，桐柏至于陪尾。導嶓冢，至于荆山，內方至于大別。岷山之陽，至于衡山，過九江，至于敷淺原。導弱水，至于合

黎，餘波入于流沙。導黑水，至于三危，入于南海。導河積石，至于龍門，南至于華陰，東至于底柱，又東至于孟津。東過洛汭，至于大伾。北過降水，至于大陸。又北播爲九河，同爲逆河，入于海。蟠冢導漾，東流爲漢，又東爲滄浪之水。過三澨，至于大別，南入于江，東匯澤爲彭蠡。東爲北江，入于海。岷山導江，東別爲沱。又東至于澧，過九江，至于東陵。東迤北會于匯。東爲中江，入于海。導沈水，東流爲濟，入于河，溢爲滎。東出于陶丘北，又東至于荷，又東北會于汶，又東北入于海。導淮自桐柏，東會于泗沂，東入于海。導渭自鳥鼠同穴，東會於澧，又東會于涇，又東過漆沮，入于河。導洛自熊耳，東北會于澗，又東會于伊，又東北入于河。九州攸同，四隩旣宅。九山刊旅，九川滌源。九澤旣陂，四海會同。六府孔修，庶土交正。底慎財賦，咸則三壤。成賦中邦，錫土姓。祇台德先，不距朕行。五百里甸服，百里賦納總，二百里納銍，二百里納結服，四百里粟，

五百里米。五百里侯服，百里采，二百里男邦，三百里諸侯。五百里綏服，三百里揆文教，二百里奮武衛。五百里要服，三百里夷，二百里蔡。五百里荒服，三百里蠻，二百里流。東漸于海，西被于流沙，朔南暨，聲教訖于四海。禹錫玄圭，告厥成功。



敷，是分類的意。刊，是劃開的意。奠，是定下的意。衡，衡字和橫

字通用。壤，泥塊稱做壤。厥賦，賦是說土地上的出產，供皇帝享用的。上上錯，上上

是說抽第一等的稅，錯是夾着的意思。上上錯，是說第一等田地，夾着抽第二等的稅。中中

中，是說田地的高低荒熟，在九州之中排列第五。九河，黃河從孟津以北的地方，分成九

條路，便是徒駭、太史、馬頰、覆鬴、胡蘇、蒲絜、鉤盤、鬲津、九河。如今直隸河間、天津兩府、山東舊時武

定府一帶，都是九河的地方。降丘宅土，丘是說山，土是說平地。古時水災，百姓都逃上山去

躲避，後來水退了，便都回到平地上去住着，所以說降丘宅土。降是下來，宅是住着。黑墳，地

高起和墳一般，所以稱做墳。黑墳，是說黑色高起的泥土。繇條，繇是說茂盛的意思，條是說

長的意思。厥篚。厥是說話起頭的口氣，便是這個的意思。竹箱稱做篚。禹皇時候，百姓拿五色的綢緞，裝在竹箱裏，獻給皇帝。浮于濟。船在水上行稱做浮。濟，是兩條河名。斥。近海的低地，出鹽水的地方，稱做斥。惟錯。錯，是說雜亂不祇是一種。岱。岱是山坳，岱是山名。作牧。耕田稱做作，養牲口稱做牧。縻絲。縻是山上的桑樹，蠶吃了山桑葉，吐出來的絲，稱做縻絲。蒙羽。蒙山在如今山東費縣西北，而羽山在如今鄆城縣西北。藝。耕種植物，稱做藝。潞。水停積的地方，稱做潞。埴。有黏性的泥土，稱做埴。漸色。樹木生長起來，稱做漸。樹木一堆一堆的長着，稱做色。土五色。古時，皇帝拿五色的泥，分給諸侯，諸侯依着泥色的地方去立國。夏翟。翟便是雉雞，長着五色毛的雉雞，稱做夏翟。拿夏翟的毛，插在旂杆頭上。玄織縞。玄是黑色，織縞都是綢緞的名稱。陽鳥。陽鳥是跟着陽光飛的鳥。三江。三江是南江、北江、中江。北江便是長江，中江便是溧水，南江便是吳淞江。泗濱。水邊稱做濱。泗水邊有一種石塊，可以雕做磬子用的。震澤。震澤便是太湖，在如今江蘇浙江兩省中間。篠簜。竹做成的箭，稱做篠，大竹樹稱做簜。下上上錯。第七等的稅，夾着第六等稅，稱下上上錯。金三品。三品，是說金、銀、銅三種。卉服。卉便是草，拿草做成的衣。

服稱做卉服，織貝。貝是一種綢緞。詩經裏有兩句，「萋兮斐兮，成是貝錦。」厥包橘柚，錫貢。包是說包裹着東西，錫是說皇帝賞賜東西，貢是獻東西給皇帝。是爲皇帝賞賜東西，他便把橘柚包着去獻給皇帝。九江。九江便是如今的洞庭湖，是瀟水、湘水、蒸水、資水、沅水、漸水、鉞水、辰水、酉水、九條河出口的地方，所以稱做九江。雲土夢作乂。種田稱作乂，雲夢是兩個湖名。雲土夢作乂，是說雲湖上祇看見一點泥土，夢湖邊上的地，却可以耕種的了。榦。榦便是柘樹。栝樹長着柏樹的葉子，松樹的身子。礪砥。礪砥兩種都是磨刀的石頭。箭籥。箭籥兩種都是好的竹樹。楛。楛樹可以做箭榦的。包匭菁茅。匭是匣菁子，茅是種樹葉長着三只角，有刺的，古時祭祀時候用的。拿菁茅包起來，裝在匣子裏送去，是敬重的意思。大龜。一尺二寸長的烏龜稱做大龜，出在九江水中。錯上中。錯是夾雜的意思。錯上中是說抽第二等的稅，夾着第一等的稅。華陽黑水。華是說華山，華山的陽面有黑水，黑水便是現在的怒江。怒江的上段稱哈喇烏蘇河。哈喇是黑的的意思，烏蘇是水從西藏地方發源，經過梁州地方。旅平。祭山神稱做旅。旅平是說把山開通了，祭着山神的意思。璆鏤。璆是一種玉，名鏤是一種硬的鐵。織皮。梁州地方出產野獸很多。熊、熊、狐狸四種野獸的皮，可以做成

衣服，他的毛可以織成毯子。亂。橫渡過急流的水面去，稱做亂。織皮。崑崙。崑崙析支渠。搜三國，都出獸皮，每年拿獸皮來進貢，所以稱做織皮。這三國都是西面的戎人，所以總稱西戎。九山。九川。九澤。九是說中國九州地方，九山，九川，九澤，是說九州的山，九州的河，九州的湖。六府。六府，是水火金木土穀六種。錫土姓。錫是賞賜的意思。錫土姓，是說賜他土地，賜他姓，使他立起國來，立起家來。祗台。祗是敬重的意思，台是我。甸服。在一千里以內的地方，稱做甸服。甸字和田字通用。甸服，是說替皇帝種出穀的地方。總。稻草稱做總，是喂皇帝的馬吃的。銓。割稻子的刀，稱做銓。侯服。在五百以內的地方，稱做侯服，是說立諸侯在五百里以內的意思。采。皇帝賞官員的地方，稱做采邑。綏服。綏是平安的意思，是說皇家住着平安的地方。要服。要是管束的意思，要服是在一千里以外的地方，皇家拿教化去管束他的。蔡。蔡是放的意思，放犯罪的人在這地方。荒服。四面荒野，外國人住的地方，人民不多，比要服又遠，稱做荒服。禹玄。玄圭。錫玄是黑色的玉做成的，錫是賞賜的意思。臣子送給皇帝，也可以稱錫。

(周禮)大司樂

大司樂掌成均之法，以治建國之學政，而合國之子弟焉。凡有道者有德者，使教焉。死則以爲樂祖，祭于瞽宗。以樂德教國子，中和祇庸孝友。以樂語教國子，興道諷誦言語。以樂舞教國子，舞雲門、大卷、大咸、大磬、大夏、大濩、大武。以六律、六同、五聲、八音、六舞、大合樂，以致鬼神示，以和邦國，以諧萬民，以安賓客，以說遠人，以作動物。乃分樂而序之，以祭，以享，以祀。乃奏黃鍾、歌大呂，舞雲門，以祀天神。乃奏太蔟、歌應鍾、舞咸池，以祭地示。乃奏姑洗、歌南呂，舞大磬，以祀四望。乃奏蕤賓、歌函鍾、舞大夏，以祭山川。乃奏夷則、歌小呂，舞大濩，以享先妣。乃奏無射、歌夾鍾、舞大武，以享先祖。凡六樂者，文之以五聲，播之以八音。凡六樂者，一變而致羽物及川澤之示，再變而致羸物及山林之示，三變而致鱗物及丘陵之示，四變而致毛物及墳衍之示，五變而致介物及土示，六變而致象物及天神。凡樂，圓鍾爲宮，黃鍾爲角，太蔟爲徵，姑洗爲

羽。雷鼓雷鼗孤竹之管，雲和之琴瑟，雲門之舞。冬日至，于地上之圜丘奏之。若樂六變，則天神皆降，可得而禮矣。凡樂，函鍾爲宮，太蔟爲角，姑洗爲徵，南呂爲羽。靈鼓，靈鼗，孫竹之管，空桑之琴瑟，咸池之舞。夏日至，於澤中之方丘奏之。若樂八變，則地示皆出，可得而禮矣。凡樂，黃鍾爲宮，大呂爲角，太蔟爲徵，應鍾爲羽。路鼓，路鼗，陰竹之管，龍門之琴瑟，九德之歌，九磬之舞，于宗廟之中奏之。若樂九變，則人鬼可得而禮矣。凡樂事，大祭祀，宿縣，遂以聲展之。王出入，則令奏王夏。尸出入，則令奏肆夏。牲出入，則令奏昭夏。帥國子而舞，大饗不入牲；其他皆如祭祀。大射，王出入，令奏王夏。及射，令奏騶虞。詔諸侯以弓矢舞。王大食，三宥，皆令奏鍾鼓。王師大獻，則令奏愷樂。凡日月食，四鎮五嶽崩，大傀異哉，諸侯薨，令去樂。大札，大凶，大烓，大臣死，凡國之大憂，令弛縣。凡建國，禁其淫聲，過聲，凶聲，慢聲。大喪，涖厥樂器。及葬，藏樂器，亦如之。



大司樂。大司樂，是古時樂官的首領。成均。周朝時候，立五個大學，在南面的稱做成均。警宗。警宗，是商朝學堂的名稱。舞雲門。雲門大卷，都是黃帝的樂名。大成便是咸池。堯帝的樂名。大磬是舜帝的樂名。大夏是禹帝的樂名。大濩是商湯的樂名。大武是武王的樂名。六律。六律，是說六個音階：一是黃鍾，二是太簇，三是姑洗，四是蕤賓，五是夷則，六是無射。這六個音階，是屬陽的。六同便是六呂，是六個屬陰的音階：一是大呂，二是夾鍾，三是仲呂，四是林鍾，五是南宮，六是應鍾。仲呂又稱小呂，林鍾又稱函鍾。羸物。長着短毛的野獸，稱做羸物。墳衍。水邊稱做墳，下面平的稱做衍。宥。奏着音樂勸人吃酒，稱做宥。愷樂。獻功勞時候奏的樂，稱做愷樂。四鎮。高大的山稱做鎮，四鎮是揚州的會稽山，青州的沂山，幽州的醫無閭，冀州的霍山。傀札。妖怪稱做傀，瘟疫稱做札。過聲。是說奏悲哀的音樂，和快樂的音樂，太過分了。凶聲。凶聲，是說亡國的音樂。

〔周禮〕大司馬

大司馬之職，掌建邦國之九法，以佐王平邦國，制畿封國，以正邦國。設儀辨

位，以等邦國。進賢興功，以作邦國。建牧立監，以維邦國。制軍詰禁，以糾邦國。施貢分職，以任邦國。簡稽鄉民，以用邦國。均守平則，以安邦國。比小事大，以和邦國。以九伐之法正邦國。馮弱犯寡則眚之，賊賢害民則伐之，暴內陵外則壇之，野荒民散則削之，負固不服則侵之，賊殺其親則正之，放弑其君則殘之，犯令陵政則杜之，外內亂鳥獸行則滅之。正月之吉始和，布政于邦國都鄙，乃懸政象之法于象魏，使萬民觀政象，挾日而斂之。乃以九畿之籍，施邦國之政職。方千里曰國畿，其外方五百里曰侯畿，又其外方五百里曰甸畿，又其外方五百里曰男畿，又其外方五百里曰采畿，又其外方五百里曰衛畿，又其外方五百里曰蠻畿，又其外方五百里曰夷畿，又其外方五百里曰鎮畿，又其外方五百里曰蕃畿。凡令賦以地與民制之：上地食者參之二，其民可用者家三人；中地食者半，其民可用者二家五人；下地食者參之一，

其民可用者家二人。中春教振旅，司馬以旗致民，平列陳，如戰之陳。辨鼓鐸，鑄鐸之用，王執路鼓，諸侯執賁鼓，軍將執晉鼓，師帥執提，旅帥執鼙，卒長執鐃，兩司馬執鐸，公司馬執鑼，以教坐作進退疾徐疏數之節。遂以蒐田。有司表貉誓民，鼓遂圍禁，火弊，獻禽以祭社。中夏教芟舍，如振旅之陳。羣吏撰車徒，讀書契，辨號名之用。帥以門名，縣鄙各以其名，家以號名，鄉以州名，野以邑名。百官各象其事，以辨軍之夜事。其他皆如振旅。遂以苗田，如蒐之法。車弊，獻禽以享杓。中秋教治兵，如振旅之陳，辨旗物之用。王載大常，諸侯載旗，軍吏載旗，師都載旛，鄉遂載物，郊野載旒，百官載旗，各書其事與其號焉。其他皆如振旅。遂以獮田，如蒐田之法。羅弊，致禽以祀祊。中冬教大閱，前期羣吏戒衆庶，修戰法。虞人萊所田之野爲表，百步則一，爲三表，又五十步爲一表。田之日，司馬建旗于後表之中，羣吏以旗物鼓鐸鑼鑼，各帥其民而致。質

明，弊旗，誅後至者，乃陳車徒，如戰之陳，皆坐。羣吏聽誓於陳前，斬牲以左右。徇陳曰：『不用命者斬之！』中軍以鞮令鼓，鼓人皆三鼓。司馬振鐸，羣吏作旗，車徒皆作。鼓行鳴鐸，車徒皆行，及表乃止。三鼓，搥鐸，羣吏弊旗，車徒皆坐。又三鼓，振鐸作旗，車徒皆作。鼓進鳴鐸，車驟徒趨，及表乃止。坐作如初，乃鼓。車馳徒走，及表乃止。鼓戒三闋，車三發，徒三刺，乃鼓退，鳴鐸且却，及表乃止。坐作如初，遂以狩田。以旌爲左右和之門，羣吏各帥其車徒，以敍和出。左右陳車徒，有司平之，旗居卒間以分地。前後有屯百步，有司巡其前後。險野人爲主，易野車爲主。既陳，乃設驅逆之車，有司表貉於陳前。中軍以鞮令鼓，鼓人皆三鼓，羣司馬振鐸，車徒皆作，遂鼓行。徒銜枚而進。大獸公之，小禽私之。獲者取左耳。及所弊，鼓皆賊，車徒皆譟，徒乃弊。致禽，饁獸於郊，入獻禽以享。烝及師，大合軍以行禁令，以救無辜，伐有罪。若大師，則掌其戒令，涖大卜，帥